

goiena" OÑATI


5.000 baietz!



'Urpekariak': Fermin Etxegoienen proposamena gazteendako

Aitziber Aranburuzabala 2015-11-27 09:00 KULTURA OÑATI

Saiakera bat, bi eleberri eta elkarrizketa liburu bat argitaratu ostean, gazteentzako *Urpekariak* (Erein) liburua aurkeztu zuen atzo, eguena, Fermin Etxegoienek, Donostiako Udal Liburutegian.



OÑATI / KULTURA

- Oñatiko LPM Eta Lagunak taldeak Kameratoiko hirugarren saria irabazi du
- 'Iparragirre Oñatin' beste 300 lagundik gora egon dira ikusten
- Beste 300 herritar baino gehiagok ikusi dute 'Iparragirre Oñatin' antzezlan
- 'Iparragirre Oñatin' antzeztu dute berriz
- Oihane Lazkanoiturburuk Gipuzkoako akordeoi leihaketan parte hartuko du
- Orioko bardoak ez du hutsik egin Oñatin
- Benito Lertxundi: "Oñati Euskal Herriko herri kuttunenetako bat da niretako"



Fermin Etxegoien argitaratu berri duen 'Urpekariak' liburarekin | [Ikusi handiago](#) | [Argazki originala](#)

- 'Urpekariak': Fermin Etxegoien proposamena gazteendako
- Juan Valls oñatiarrak diskoa aurkeztuko du domekan Pakon
- Aurre-salmenta agortu da Benito Lertxundiren kontzerturako
- Santa Zezilia ospatu dute Jose de Azpiazun
- Antihumano: eguneroko gaien kritika eta hausnarketa, erritmo azkarrean abestuta
- Santa Zezilia eguna ospatuko dute
- Euskal jantzi tradizionala zelan osatu, lau gakotan
- Ikusleen iritzia Oñatzen dantza ekitaldiaren gainean

Argitaletxeak bota zion enbidoari erantzunez idatzi duela dio idazle oñatiarrak. “Iaz, *Eutsiko diogu!* elkarrizketa liburua argitaratu nuen Ereinekin. Kazetaritza lan bat zen hura, eta, normalean ez moduan, dirua jaso nuen idazten nebilen unean. Liburu horren bueltako bilera batean geundela, Ereineko Olatzek gazteentzako liburu bat idazteko proposatu zidan. Nik ez nuen, orduan, gazteen erregistro horretan nire burua ikusten, baina esku artean nuen elkarrizketa liburua irailerako bukatu nuen eta abendura arte nuen Ereinekoekin *kontratu*a. Zorretan sentitzen nintzela-eta, 'hasiko naiz zerbait idazten', esan nion nire buruari, eta horrela idatzi nuen 30 orriko zirriborroa. Argitaletxeko lagunei bidali nien eta egoki ikusi zuten liburuaren tonua eta baita kontakizuna ere, eta aurrera egitea erabaki genuen”, kontatu du Etxegoienek.



Nerabazaroko tirabirei buruz

Aita-seme batzuen oporraldiaz dihardu Etxegoienek oraingoan. Gironako L'Estartit herrira joan dira eta handik gertu dauden Meda uharteetara doaz urpekaritza-bataioa egitera. Itsas bidaian, ama-alaba batzuk ezagutuko dituzte, eta bi gazteen arteko begiradak gurutzatuko dira. "Semeak 15 urte inguru ditu, eta, alde horretatik, esan daiteke, neurri batean, *iniziatioaren* inguruan egindako eleberria dela. Bide horretatik doa izenburua, metafora bat egiten dut urpekari moduan estreinatzearen eta helduen bizimoduan sartzearen artean. Horrez gainera, nerabezaro garaian sortzen diren aitaren eta semearen arteko tirabirak ere jasotzen dira, eta oporretan beraiekin joan ez den amaren papera ere hor dago... Pertsonaje galeria txiki eta anitz bat sortzen da kontakizunean zehar", dio idazleak; eta gaineratu du helburua ez zela autobiografia bat idaztea, inguruan duenetik elikatuta idazteko joera badu ere.

Kontakizuna, egunez egun

Liburuak egitura nahiko normala duela dio: " Egunez egun dago oporraldia kontatuta. Oroitzapenen bitartez iraganeko pasarte batzuk berrekarrita daude eta aurrera begira dituzten proiektuen bitartez etorkizunari keinu batzuk ere badaude; baina, printzipioz, kontakizun kronologikoa da".

Iazko irailean hasi, eta aurtengo udaberrirako erdi bukatuta zuen lana: "Bukaera baten bila nenbilen, ez nuen batere garbi. Azkenean, nire ustez, hartu du bukaera kutsua. Ez da, akaso, guztizko bukaera izango; izan ere, argitaletxekoek ez dute baztertzen, aurrerago, pertsonaia horiek beste istorio batzuetan murgiltzea. Desiatzen nago irakurlearen feedbacka jasotzeko; gerokoak, gero ikusiko ditugu".

ERANTZUN

Erantzuteko, izena emanda egon behar duzu. **Sartu komunitatera!**

Erabiltzaile izena

Pasahitza

Sartu

» » [Alta eman edo pasahitza berreskuratu](#)



[Epostaz harpidetu](#)

[Publizitatea](#)

[Legezko oharra](#)

[Honi buruz](#)

[Kontaktua](#)

goiena.eus © Goiena Komunikazio Taldea

Otalora Lizentziaduna 31 · 20500 Arrasate (Gipuzkoa)

Tel.: 943 25 05 05 · webmaster@goiena.com



goiena.eus

LAGUNTZAILEAK:



Estatistikak: [Quantcast](#)

[Codesyntaxek](#) garatua